

## শিক্ষক ধর্মঘট ও প্রত্যাশা

শিক্ষক ধর্মঘট কেন্দ্র করে আটক শিক্ষকদের মুক্তি দেয়া হয়েছে। জানা গেছে বেসরকারী মাধ্যমিক শিক্ষকদের দাবী নিয়ে বিভিন্ন পর্যায়ে আলোচনা হচ্ছে। এবং আলোচনায় অগ্রগতিও হয়েছে। ধর্মঘট শুরু হয়েছিল ২২শে ফেব্রুয়ারী দুপুর দাবীর ভিত্তিতে।

এই দেড় মাস শিক্ষক ধর্মঘটকালে অনেক ঘটনা ঘটেছে। মার্চ মাসের প্রথম সপ্তাহে শুরু হয়েছিল এসএসসি পরীক্ষা। ধর্মঘটী শিক্ষকেরা পরীক্ষায় সহযোগিতা না করায় অসুবিধার সৃষ্টি হয়েছে। একথা সকলের জানা যে এসএসসি পরীক্ষা আমাদের সমাজজীবনে একটি গুরুত্বপূর্ণ ঘটনা। এবং শিক্ষকেরা এ ক্ষেত্রে মুখ্য ভূমিকা পালন করেন।

এছাড়া আছে শিক্ষাপ্রতিষ্ঠানে দৈনন্দিন লেখাপড়ার কথা। বছরের শুরুতে ধর্মঘট শুরু হওয়ায় এবার বিভিন্ন শ্রেণীতে পড়াশুনা প্রথমেই বাধাগ্রস্ত হয়েছে। আমাদের মতে প্রাকৃতিক দুর্যোগে দেশে একটি মাসই শিক্ষার জন্য বিশেষভাবে উপযোগী। এর পর আসে ঝড়-তুফান বৃষ্টি-বাদলের পাল।

এরপর সামনে এগিয়ে আসছে রমজান ও গরীবের ছুটি। অর্থাৎ আরো এক-দেড় মাস বিদ্যালয় ছুটি। এ ছুটির জন্য শুষ্মপ্র লেখাপড়াই ক্ষতিগ্রস্ত হবে না। বেতন ও নানাবিধ ব্যাপারে শিক্ষকেরা বিপর্যস্ত হবেন। অনেক বিদ্যালয়ের অস্তিত্বই বিপন্ন হবে।

এই অবস্থার পরিপ্রেক্ষিতে আমরা মনে করি সকলকে বাস্তব দৃষ্টিভঙ্গী নিতে হবে। জরুরী ভিত্তিতে আলোচনার মাধ্যমে ধর্মঘটের অবসান করতে হবে। রমজানের ছুটির পূর্বে কিছু দিনের জন্য হলেও বিদ্যালয়ে লেখাপড়া শুরু করতে হবে। অন্যথায় এই ধর্মঘটের জের অনেক দিন চলবে। আমরা মনে করি আটক শিক্ষকদের মুক্তিদানের পর প্রয়োজনীয় পরিবেশ সৃষ্টি হয়েছে। আলোচনার মাধ্যমে সমঝোতা পৌঁছান যাবে।